

Sud Bosne i Hercegovine
Суд Босне и Херцеговине

Broj: S1 3 P 040067 21 P
Sarajevo, 11.10.2022. godine

Sud Bosne i Hercegovine, sudac Natia Papo, rješavajući u pravnoj stvari tužitelja Vlahinić Ljubomira iz Kozarske Dubice, Josić bh, zastupani po punomoćnika Herbuž Prodragu, advokatu iz Banja Luke, protiv tužene Bosne i Hercegovine – Uprave za indirektno oporezivanje, zastupane po zakonskom zastupniku Pravobraniteljstvu Bosne i Hercegovine, radi mobinga i dl, vs. 10.000,00 KM, nakon glavne i javne rasprave, održane dana 07.09.2022. godine, u prisustvu tužitelja, njegovih punomoćnika i pomoćnika pravobranitelja, dana 11.10.2022. godine, donio je sljedeću:

PRESUDA

Utvrđuje se da je tužena vršila mobing nad tužiteljom njegovim konstantnim premještanjem sa jednog na drugo radno mjesto u periodu od 22.08.2016. godine do 15.08.2021. godine.

Obavezuje se tužena da tužitelju isplati iznos od 6.000,00 KM na ime nematerijalne štete radi pretrpljenih duševnih bolova zbog povrede ugleda, časti i smanjene životne aktivnosti tužitelja, sa zakonskom kamatom počev od 11.10.2022.godine, kao dana presuđenja pa do konačne isplate, a sve u roku od 15 dana od dana dostavljanja presude.

Tužbeni zahtjev u njegovom preostalom za iznos od 4.000,00 KM, odbija se zbog neosnovanosti.

Obavezuje se tužena da tužitelju nadoknadi troškove postupka u iznosu od 2.714,20 KM, sve u roku od 15 dana od dana dostavljanja presude.

Obrazloženje

Tužbom podnesenoj ovom Sudu dana 29.03.2021. godine, tužitelj je putem punomoćnika predložio, da Sud, nakon provedenog dokaznog postupka, donese opisanu presudu, s tim da se potraživala naknada nematerijalne štete zbog pretrpljenih duševnih bolova u ukupnom iznosu od 10.000,00 KM.

U tužbi, kao i navodima datim tokom postupka, tužitelj je istakao da je rješenjem tužene broj: 01-34-2-55-2616/15 od 16.10.2015.godine, bio premješten sa radnog mjesta stručni saradnik - carinski inspektor u Carinskoj ispostavi Gradiška na radno mjesto viši stručni saradnik - vođa smjene u carinskom referatu na graničnom prelazu Gradina, počev od 19.10.2015.godine. Rješenjem tužene broj: 01-34-2-55-252-1/16 od 16.03.2016.godine, tužitelj je premješten sa radnog mjesta viši stručni saradnik - vođa smjene u carinskom referatu na graničnom prelazu Gradina na radno mjesto stručni savjetnik - vođa carinskog referata na graničnom prelazu Kozarska Dubica, počev od 15.03.-31.03.2016.godine, nakon čega je tužitelju produžen privremeni raspored na istom graničnom prelazu rješenjem tužene broj: 01-34-2-55-325-1/16 od 31.03.2016.godine, za period od 01.04.-30.06.2016.godine i rješenjem broj: 01-34-2-55-1718-1/16 od 30.06.2016.godine za period od 01.07.-30.09.2016.